

Gobernador a bishita casa cuna den actividad "Ban Topa Den Bario"

Diasabra ultimo Stichting Casa Cuna Progreso, a participa den e actividad "ban topa den bario .Mas of menos 60 mucha a participa den e keiro riba bays. Maske tabata un "onderbezetting" di polis toch Casa Cuna por a haya cooperacion pa nan por a participa.

Nan a sali di Casa Cuna, ban keiro den bario y bin back. E mucha mas jong cu a participa tin 3 aña y hasta e leidstersnan a subi bays y haci nan trip riba bays. Banda di caminda nan a ricibi diferente apoyo.

Gobernador di Aruba a haci un bishita na Casa Cuna Progreso, durante e actividad aki.

MERCADO DI INFORMACION: Riba e mercado di informacion tabata tin diferente

organizacion. manera Sostene Mi, TPH: 131, Fundashon Guia Mi, Fundacion Respeta Mi, y tambe un stand di Casa Cuna Progreso. E acohida no tabata hopi, pero esnan cu tabata tey a haya informacion valioso.

(foto stands)

Lamentablemente, por a compronde cu na e actividad di YMCA dhr. J. B. a haya un accidente cu a causa cu e actividad no por a sigui. Di parti di henter e personal y directiva di Casa Cuna Progreso ta desea Sr. J.B. pronto recuperacion.

BISHITA DI GOBERNADOR: Casa Cuna Progreso tabata hopi contento cu Gobernador a bishita nan instancia. Hunto

cu su casa y ayudantenan el a haya splicacion amplio di e teamleidsters Gloria Maduro y e director. Miembronan di directiva di Casa cuna, Cede

Aruba y ATHA tambe tabata presente.

Riba combinacion di potret, di nos colega RED, por mira den Seccion Hubentud den

Movecion, algun imagen di henter e actividad unda Casa Cuna Progreso a participa den "Ban topa den nos bario".